

FPSK, UMS SUMBANG KABIN BLOK KLINIKAL KEPADA HOSPITAL DUCHESS OF KENT SANDAKAN

Terakhir dikemaskini: Isnin, 22 April 2019 23:03 | [Cetak](#) | Jumlah paparan: 97

Kongsi 0

Syorkan 0

Kongsi

Share



ISNIN, 22 APRIL – Fakulti Perubatan dan Sains Kesihatan (FPSK), Universiti Malaysia Sabah (UMS) telah menyerahkan kabin blok klinikal kepada Hospital Duchess of Kent Sandakan (HDOK) pada majlis ringkas yang berlangsung di hospital tersebut baru-baru ini.

Blok klinikal tersebut telah diserahkan oleh Dekan FPSK, Prof. Dr. Mohammad Safree Jeffree kepada Pengarah HDOK, Dr. Francis Paul.

Prof. Dr. Safree dalam ucapannya merakamkan penghargaan kepada pihak HDOK yang telah banyak membantu UMS khususnya FPSK sepanjang penempatan pelajar perubatan UMS di situ.

“FPSK akan terus bekerjasama dengan HDOK dalam bidang penyelidikan dan program pascasiswazah FPSK, UMS,” katanya.

Sementara itu, Dr. Francis turut menghargai UMS yang sudi menyumbangkan kabin tersebut kepada pihak hospital.

“Kabin tersebut akan digunakan oleh pihak hospital untuk penganjuran kursus kepada kakitangan hospital dan hospital juga dapat menggunakan kabin tersebut untuk menawarkan perkhidmatan yang lebih baik kepada masyarakat di Sandakan,” jelasnya.

Turut hadir pada majlis tersebut, Timbalan Ketua Pegawai Undang-undang Kanan UMS, Awang Suhaizam Bungso dan Timbalan Bendahari Kanan UMS Mohamad Edrus Othman.

